

امور اداره و تحریریه سنه سلاتیکلی
توفیق افندی نظارت ایدر .

ادبیات ، فنون و معارف و مطایبات
ادبیه و شئون معارف و ترقیدن بحث
ایدر . تنویر افکاره خدمت ایله .

مجموعه ادبیه

۱۳۱۷

امور اداره و تحریریه سنه متعلق خصوصیات
ایچون توفیق افندی به مراجعت اولتور .

در سعادت و ولایات شاهانه ایچون بر
سنه لک آتونه سی یگری بش غروشدرد
آتونه اجرتی برینه بوسنه بولی قبول
ایدیلیر . مرکز سی شمدیلک باب عالی
جاده سنده عطار بورغاک افندیکن
دکایدرد .

استانبول ایچون نسخه سی : ۱۰ پاره یه در . شمدیلک پنجشنبه کونلری نشر اولتور . ولایات شاهانه ایچون نسخه سی : ۲۰ پاره یه در .

ترك اقوامی

ترك مدینتی

غیاث الدین کیخسروک اووه بی
بدرینک وفاتندن سکره مملکت قاریشقلغه
دوچار اولدی . بالاخره قونیه ده تاسیس
حکومت ایله ایکی عصر مدت دولت عثمانیه بی
اوفر اشدیرمیش اولان قره مان خانده انک
مؤسس و قره مانک اوغلی اولان محمد بک
اسافل ناسدن برترکی قریمده سرای شهرنده
وفات ایدن عزالدین سلجوقینک اوغلیدر
دیه میدانده جیق سارورق آنک نامه اولق
اوزره قونیه بی ضبط ایدوب اوراده
تاسیس حکومت ایلدی .

ایشته قره مان خانداننک بدایت
ظهوری بویله جه اولمشدر . محمد قره مان
سلجوقیه حکومتک اداره سنجه بعض
تبدیلات اجرا ایلمشدر . اووقته قدر
سلجوقیه حکومتک بالجله ویرکودقاری
فارسی لسانیه طوتیلورایکن محمد قره مانک
امریله دفاتر مذکور و ترک و فارسی
لسانلریله مزوجا طولمغه باشلانمشدرکه
بوگون بعض دوائر دولتک محاسبه دفترلرند
اتیرینه کوشه و برنج برینه ارزه کله لرینک
استعمالی محمد قره مانک تاسیس ایلدیکی
اصولک بقایاسنددر .

غیاث الدین کیخسرو محمد قره مان
طرفندن میدانده جیقاریلان عزالدینک
دوزمه جه اوغلی ایله اصل اوغلی مسعودک
تشبثاتیه بدرینک تخت و تاجندن محروم
قالجه آباخانندن استحما ایتیش اولدیفندن
مومی الیه اوغلی اوغوزخان ایله وزیر
فخرالدین علی شاهی غیاث الدینک امدادینه
کوندرمیش . بونلر بالاقاق قونیه دن غاصب
حکومتی طرد ایلدیکلری کی محمد قره مان
ایله برادرلری ده اتلاف ایلمشدر .

بوندن سکره مغول خانی سلجوقیه
ممالکنی ایکی یکنی آراسنده تقسیم ایلمشدر
کیخسرو مرکز قونیه اولق اوزره

ممالک مذکورنک ضرب طرفی و مسعوده
دخی شرق طرفی و برمشدرکه بوقسمده
ارزنجان سیواس مالا طیه شهرلری داخل
ایدی . فقط آباخانن استخلاف ایتیش
اولان آرغون خان کیخسروی کندینک
خصمی بولان قریم نانا لرلیله خفیاً مناسبانده
بولتیور تهمتیه اعدام ایتدیرمشدر .

شوالده عزالدینک اوغلی مسعود
ظاهر خالده بیوک بر حکومتک حکمدار
یکانه سی قلمش دیمک ایسه ده نه
فانده که هر والی آرتق دعوائی تفرد
واستقلاله قالمشش اولدیفندن مسعودک
حکومتی بر حکومت صحیجه دکل ایدی .
مع مافیه مومی الیه عنوانا اولسون اون بش
سنه ممالک سلجوقیه ده حکمران اولمشدر .
آنک وفاتنده عزالدینک اوچنجی اوغلی
اوچنجی علاء الدین فرامرز موقع حکومت
یکمش و مومی الیه سلجوقی حکمدارلرینک
صوکنجیسی اولمشدر .

سلجوقیلردن برنجی علاء الدین زمانندن
شواوچنجی علاء الدین زماننه قدر جریان
ایدن مدنده تاریخ عثمانینک مقدمانی ده
تاریخ سلجوقیانه قاریشمقدمدر .

جدا مجد عثمانی سلیمان شاهک الی
بیکن نفر ترک ایله سیلابه استیلای
چنکیزخان اوکندن غریبه طوغری چکلمسی
وبرمدت اخلاط و ارزنجان طرفلرند
اقامتدن سکره تکرار آسیای وسطایه
عودت ایدرایکن جمیر قلمسی جوارند
فراته دوشوب غریقی بم غفران اولسی
ومتعاقباً الی بیکن کشینک قبیله نیک ایکی به
اقتسامله برقسمک آسیای وسطایه عودت
ایدوب ارطغرل و دونداربک قوماندلرند

بولان دوت بوز جادر خلقتک تکرار
آناطولینک شمال جهته عودتلری برنجی
علاء الدین زماننده وقوعولش اولدینی
کی مؤسس بنیان سلطنت عثمانیه جنتمکان
سلطان عثمان خان حضرتلرینک تاسیس
حکومت ونهایت کسب استقلال

ایتملری ده اوچنجی علاء الدین زماننه تصادف
ایلمشدر .

بر سوزی ترک اقوامنک ال بنامی
اولان عثمانلیره انتقال ایتدیرمزدن اول
سلجوقیه تاریخنک بقیه وقوعاتی ده ذکر
ایده جکنر .

علاء الدین حکومتک یکدیکی زمان قره مان
کرمان . منشأ و سائر ولایتلر امراسی
کندینک حکمدارلغنی طانیشلرله ده
سلجوقیه دولتک بقاسنه خدمت ایدمچک
هیچ برآشبت و معاوسته بولمغمشدر .

یالکزیکی تاسیس ایتیش اولان امارت عثمانیه
دولت سلجوقیه به صداقتده یارجای
اولوب علاء الدین امارت مشارالیهانک
انضمام معاوتیه وادی بیای مخالفت اولان
دیگر ترکسلره و مغول حکمدارلرندن
غازان خانه بعض مرتبه مقاومت ایتیش
وبوسایه ده سلجوقیه دولتک تکرار بارلایه
جنی امیدی حاصل اولمش ایسه ده غازان
خان علاء الدینی اعدام ایتدیرمش اولدینی
کی اوغلی غیاث الدینی ده بدرینک اعدامندن
اوچ کون سکره بوغدیرمش اولدیفندن
سلجوقیه سلاله سی منقرض اولمشدر .

مسعودک اوغلی و غیاث الدینک عمجه
زاده سی غازی چلبی اقراض سلجوقیوندن
الی سنه سکره به قدر قسطنطونی و سینوب
طرفلرند اجرای حکومتده دوام ایتیش
ایسه ده دولت سلجوقیه آرتق پایدار
و موجود بولمغدیغندن سلجوقیه خاندانندن
برینک یو حکومتی تاریخ سلجوقیانه
ادخال ایدیه من .

سلجوقیه حکومتک اقراضی حاضر
لایان مغول حکومت ایرانیه سی ده صفت
بقای حائر اولمغدیغندن علاء الدین ایله
اوغلنک اعدامندن سکره ممالک سلجوقیه بی
یدتصرفه آلمیوب امرای بولندقلری
حال استقلالده برافش اولدیفندن آناطولی
قطعه سی اون امارت مستقله آراسنده تقسیم

ایدلیدی که بونلردن ال قوتلیسی واک
بصیرتکاری . واک زیاده عدالت کسری
اولان امارت عثمانیه کسب قوت و اعتلا
ایلیه رک اقراض سلجوقیوندن بوز الی
سنه سکره امارات سائرده بیکی بر ترک
سلطنتک اداره واحده سی آلتده جمعه
موفق اولمشدر .

مابعدی وار

مقاله مخصوصه

— تریز —

علی العاده بجاق و بالیدرد سیاه . کوکلرده
قرمزی بویا استعمال ایدرلر .

زایونلر یشیل و ماوی رنگلری ده
علاوه ایدرلر . وجودلرینه برطاق رسملر
کوکلرینه شعر یارچه لرلی حک ایدرلر .
فقط بو حال آثار مدینتک دخولیه تناقص
ایتمکله برابر بو کامقابل قسم اعظمی کندیلرینی
بویامقدن ده وازیکمه مشلردر .

هندچینی ده کائن مالاغده مغوللرک
منتشر بولندقلری ممالکده دیشلرک سیاه
اولسی برشرفدر . قوششین قرالک
برخدمتکاری انکاره سفیرینک زوجنک
دیشلری . کوپک دیشی کی بیاض و وجودی
پناس چیبکی کی قرمزی اولدیفنی مقام
تحقیرده آکلاتدیفنی مرویدر .

پیرمانیاده کوزلششمک فکری ده
بشقه برصورتده اظهار ایدیلور . قادیلر
جاذبه دار اولمغه سی ایدرلر . بونک ایچون ده
بوزلرینه قوقولی براغاج توزی سوررلر .

•••

شمدی به قدر ذکر ایدیلن صور
مختلفه دن مقصد اصلی بردر . اوده اصلندن
زیاده کوزل و یا هیبتلی کورونمک ارزوسیدر
بعض متعصب مملکتارده قنایم آلان قادیلر
بوزلری سیاه برورنی ایله طلال ایدرلر .
عالم انسانیتده هرکسک کوزلششمک
خصوصنده مراجعت ایتدیکی وسائط